



自序

○ 豈○ 汗○ 湧○ 而○ 游○ 之○ 時○ 矣○
○ 樵○ 牧○ 或○ 猶○ 黃○ 昏○ 分○ 一○ 座○ 于○
○ 沉○ 澁○ 膏○ 毫○ 之○ 中○ 討○ 无○ 生○ 味○
○ 已○ 耳○ 今○ 來○ 丁○ 丑○ 偶○ 為○ 公○ 下○



之行。家。者。甫。有。凡。兩。完。月。
心。交。或。在。子。津。或。在。蓬。萊。
有。以。名。來。通。考。即。以。名。答。
之。懷。中。隨。有。滂。減。之。刺。示。
以。先。施。一。分。乞。以。之。志。者。

可。長。一。分。乞。以。之。或。志。或。
涼。考。更。可。長。也。時。文。何。子。
伯。興。王。子。寶。正。感。憶。閑。兒。
閒。話。曠。者。向。已。恆。素。克。乃。
為。虫。如。百。本。內。有。如。種。保。

向○所○未○见○者○况○为○心○快○间
为○吟○咏○聊○以○载○事○不○求○礼
格○与○别○辰○翁○高○逢○礼○等○兄
之○必○相○交○大○笑○谓○无○风○到
降○抑○诗○中○有○刺○有○然○若○尚

大○雅○即○如○阳○色○物○自○署○无
考○亦○在○心○然○能○柔○而○存
之○步○况○予○如○年○以○来○岂○心
能○生○路○以○千○里○之○色○身○车
旅○寓○之○间○客○来○茶○罢○寂○之○际

身○之○極○。○當○於○沉○沈○兮○。○港○
之○中○。○討○其○其○味○。○略○于○其○味○。
芝○涉○云○爾○時○。

暇○治○丁○丑○冬○日○。○倘○湖○居○士○。

東○集○之○公



南行載筆序

從來裹糧作遠遊者。大抵多名利中人。其為尋
盟山水者。十不得一焉。其能因尋盟山水。而即
激發吾臣忠子孝之心者。則于百千中更鮮其
人矣。吾仲元成。近有秣陵之役。因載筆為詩。予
取而閱之。如金陵覽古諸篇。則賦江月鷓鴣之
青蓮也。其大功坊皇磚行諸作。則詠北征夔府
之少陵也。至若念母四章。驚心嚙指。雖違越千
里。覺嬰啼孩笑。宛依膝前。是寧梯華嶺窮仙源。

作山水浪遊諸人可擬者夫忠孝至性苑結在中觸緒成章本非孟浪獨怪此番行寫偏得之車塵帆影之間若天意人事俱作波折吾知仲氏簇五彩筆置行橐中爾時南國山靈應先爲予擁篲矣若予枯坐荒園開戶外履聲輒狐疑鹿駭昔所經遊長江大河固已付之昨夢但銘槩之餘徃徃獨立河滸時則禾黍秋風寒日西下遙山天未作黛色金光恨肉身未輕未得翀舉忽焉北顧見立馬諸峯江山殘剩則涕泗交頤方知山水之癖與忠孝之思固泥丸尾閭呼吸相通者也仲氏習我性情故于戒途之前三日假我名山記令當一室卧遊迨歷月言歸則示我南行載筆乃益信同心蘭臭此而竟無數言弁其卷首是叩之不鳴予豈木石不如者

兄道程式如文題

吾式如叔父行文向極冷雋不染世氛予瞻之評淵明所當以一丘一壑共之者也近更高潔之極與人俱遠蓋風霜飽而光華生可

望不可攀矣。任宿日。

...

...

...

...

...

...

...

...

南行載筆目次

五言古詩

寓金陵鷲峯寺作

寄陶岸生五袞初度

贈星士陳我白

雜感 共二十四首

七夕

同門許菊谿觀察贈詩次韻以答

附菊谿

贈行原詩

聽雨

七言古詩

陳伯璣讀禮白門詩以慰之

蟋蟀

題同門許菊谿觀察所藏

宣廟御畫

大功坊歌

皇磚行

路逢赴考者

續恨歌

有小序并註

五言律詩

舊院

二首

寄陶邃初

答王文叔

二首

別陳伯璣

二首

別丁齒生

二首

乞巧

七月八日午後得雨

邸中聞老母病急歸

四首

歸途雜詠 共一十二首

十買詩

買書

買筆

買硯

買扇

買花

買蒲團

買鬢鬚

買竹夫人

買畫

買惠山泉

觀象臺久荒蕪其璣衡銅尺等器尚在今

移置江寧府中 四首

鷺峯寺東偏小房顏曰顏魯公讀書處不

知何處也境頗幽靜 二首

泊舟虎丘與施偉長話舊天忽驟雨

無異 二首

七言律詩

金陵懷古與謝靈運詩同 天遠風清

三國吳謝靈運詩 二首

晉謝靈運詩 東風小氣 隱日 隱嶺 公 龍 善 志 不

宋謝靈運詩 中 唯 首

齊謝靈運詩 入 蘇 蕪 其 與 嶺 隨 只 等 器 尚 於 今

梁謝靈運詩 山泉

陳謝靈運詩

南唐謝靈運詩 人

洪武

建文

弘光

金陵旅寓有感 共十首

麻姑山草堂贈言 共四首

讀漳泉先生遺稿 共四首有註

江南秋思 共八首

望太湖諸山 二首

五言絕句

憶舊 有小序

玉印月軒 二首

鶯聲百轉樓 二首

雲岫寺 二首

窠石居 二首

塔影軒 二首

窠篁我友樓 二首

黃灣洲 二首

厲市湖 二首

近水居 二首

倘湖小築 二首

八畝園 二首

澹園 二首

七言絕句

紀程詩

五月六日冒雨出關登船

初七日崇德舟中

初八日泊舟王江涇

初九日順風至姑蘇舟行甚駛

初十日過許墅關

十一日舟過常州

十二日至丹陽停舟準提閣前

十三日丹陽道中

十四日句容道中遇雨

七月十六日歸自句容道

十七日歸經丹陽

十八日歸舟自常州經無錫

十九日自姑蘇泊舟吳江

二十日自平望歸舟

二十一日自嘉興至崇德

二十二日自長安鎮經東關

五月初九日舟次姑蘇見大小龍舟競渡

往來時天雨如注鼓聲不起旌旆淋漓而

搖蕩不敢少緩則文武多官聚而宴賞故

也成一十五絕

髯觀音頌 有小序共六首

秦淮竹枝詞 共四首

洪武年間宮詞 三首俱有註

建文年間宮詞 三首俱有註

永樂年間宮詞 三首俱有註

正德年間宮詞 三首俱有註

弘光年間宮詞 三首俱有註

男
豹雯 璧雯 魏雯 廷宗

龍雯 燕雯 翼雯 鴻雯 全較

甥徐象坤

南行載筆

倘湖山樵



兄式如子評

五言古詩

寓金陵鷲峯寺作

家有修竹園。觸暑至金陵。馬蹄踐塵土。撲面皆
蒼蠅。軒蓋揚揚來。彼哉僕未能。顧瞻 孝陵道。
惻怛心鬱蒸。此地足風波。翻思江解澄。

寄陶岸生五表初度

五古

倘湖小集

以爾學道心。沉寂嘗不移。真○有○解○方○處○風波百重險。轉折恒相資。北牕坐松影。虛白來希微。抱甕稱園叟。時人識安期。所貴非世榮。此中足自怡。

贈星士陳我白


昌黎身斗日。我命躔箕風。二者偶相類。所媿萬不同。佛骨據高座。鱷魚遍區中。一事高于韓。反以拙而工。大○地○安○不上宰相書。不逐五鬼窮。箕斗負虛名。與子譚溟濛。

雜感 二十四首

終南有佳景。白雲時爛斑。有士結茅屋。草草三兩間。鋪排滿架書。水清山一灣。楚聞足音響。其人走京關。某者膺朝薦。春前列清班。呼噏動風雷。與子舊識顏。馳書問寒暄。要語不可刪。何不醜○態○急引手。令我老蓬菅。我詩數百首。雕板列市闈。持詩謁貴交。草屋棄山間。君看出山水。未必濁于山。君看一○結○下○鈎○在山泉。一去不復還。

其二

持刺謁貴人。貴人色如土。君從何方來。于諗良



P3

不者我今乘軒車。譬如蹈猛虎。下者百姓貧。土者功令苦。昨日督郵至。逼迫多指數。黃金謝不敏。十寸或五五。非不白晝攫。出入不相補。君家舊艸堂。涼風動栩栩。其言豈不佳。來意非所取。寄謝持刺人。莫令官長嘆。

其三

古人得意處。其道在詩書。真讀書人方有此空虛去我今千載。焉能無魯魚。阡陌既已亂。荒穢難爬梳。虛者不可見。可見復非初。歌咏及夢

其七

當時殷深源。清談出名理。高望在蒼生。十年卧不起。脫令堅此懷。豈非一佳士。如何造次間。遂督五州事。反諛蔡子尼。臨軒傲恩旨。狼狽走山桑。一敗不可止。出既少經綸。處乃喪廉恥。進退無成畫。虛名失所恃。白雲望已遙。不信山中美。
其八 真情真景寫之欲盡

象鰕掠蝦鮒。一飽尚未足。回頭遇蛟鯨。張口恣所欲。所欲玉與珠。不僅蝦鮒屬。掠蝦安得珠。掠

鯀安得玉。既取蝦。鯀怒。又受蛟。鯨酷奮鬣。思一
鬪。可憐。張也。怨吾羨。小池萍。儵魚游。屈曲。

其九

直叙情事而怒罵在其中

大鵬搏鳳凰。鳳凰吞鴟梟。鳳凰備文德。鴟梟乃
腥臊。但論勢。大小寧。論品卑。高所喜。快齒牙。無
邊惜。羽毛清。風起蘋末逝。水日滔滔。爲鳳似不
可爲梟。安足豪。此心惟靜退。不受炎火燒。內觀
原自足。無名安用逃。

其十

聚徒太行山。暮劫行路客。皮膚盡鱗甲。一生好
作逆。法官不敢問。將軍不相厄。堆金入受降。前
罪得冰釋。天子降赦書。當路每前席。甫自賊中
來。便上平賊策。封侯飛食肉。駿馬高八尺。吁嗟
柳下季。爰止同祖禡。雖不辭小官。未免得三斤。
終南非捷徑。捷徑惟白蹠。

其十一

謝淡柴桑候。舊家佳弟子。名位方通顯。俄焉國
運否。不能作寂寂。遂復受驅使。初捧靈寶冊。旋

奉季奴壘。譬如臨深谷。慎之在其始。偶然一失。足流浪不可止。典午遭桓氏。鐘簏已傾圯。重爲劉公延。終自劉公徙。永始與永初。寧復分彼此。賊來急呼兵。賊去兵始來。賊方誅草木。兵乃搜根芽。少婦匿深谷。老婦侍尊壘。煮豆剉馬草。號令如轟雷。忽聞賊又至。兵退馬暫回。此番賊熾怒。棟宇成飛灰。百里無行人。野火出空槐。安得旄頭息。兵賊兩無災。

其十三

街頭賣菜傭。弓矢未曾用。幸遭山寇亂。應募叨升斗。山寇本白徒。聚散乃其偶。官兵舊聲勢。一砲驚而走。序功列姓名。得官自白手。歸鄉傲隣里。意氣動左右。呼喝盛騶從。馬韉繫楊柳。誰知官在身。束縛如械鈕。硬腰習拜揖。判字逃七九。將軍號令嚴。奔趨賤如狗。前山烽火明。驚魂出戶牖。鞭箠固所甘。封疆懼失守。向時賣菜侶。攤牌飲美酒。軀面都肥白。時時開笑口。不似馬上

見。衣寬面顏垢。

其十四

用兵累歲年。所惡在芻蕘。象上十萬師。飽騰方
打仗。天曹分殿鼎。民部一本帳。督撫之賞罰。方
伯所銖兩。廉范失清聲。卓魯無循狀。但報糧十
分。卽註考上上。縣吏坐堂皇。且暮理征餉。耕種
本良民。榜掠亦悽愴。尚有心良豈不心痛悲。功令實執掌。
吏佐喜重科。胥役厚取償。正額急于火。雜項密
如續。可憐兵寇餘。又復充糧長。九重高入天。欲

懇復誰向

其十五

樹高多風搖。墻高易傾瀉。古人造棟宇。每不成
三瓦。如何今人心。營營竭日夜。初筮州縣吏。臺
省已握把。俄頃登京卿。閣學未可捨。清泉好言
歸。後人或侈哆。跨身虎背上。急切不能下。巴蛇
吞巨象。六駮食駿馬。澄心冷眼看。誰是休休者。

其十六

量岱豈丈尺。測衆非升斗。綆短難汲深。器小不

大受。螻螳啣粟粒。輒自誇鰲負。山雞矜羽毛。已
笑鳳凰醜。蟪蛄聚族謀。不知州有九。填海是癡
禽。移山本愚叟。此輩塞滿世界。一縫睨細眼。八荒開大口。仰箭
射虛空。虛空夫何有。

其十七

彼蒼穹然高。盼蠻通曉夢。人生各萬端。事報亦
殊槩。屈子焉繇問。柳子非所對。樂書晉上卿。甘
棠衆咸戴。樂厲雖汰侈。樂盈遂殄刈。大惡以父
存。小善由父逮。匪云桃李僵。竟共玉石碎。君子
慎所貽。煌煌垂奕代。可知不可知。天心豈憤憤。
小人未敗時。妄擬天終晦。一身鴻印泥。萬事馬
脫塞。

其十八

陳豨反代郡。二十五城失。守尉法坐誅。帝曰力
不及。漢高稱豁達。此事亦其一。漁陽鞞鼓動。河
北少堅壁。平原誰太守。勁草當風疾。帝悔識之
晚。臨宁生太息。厥後指希烈。識耶猶未識。主德
崇淵宏。主鑒頌明晰。苟無黑白亂。寬嚴隨所出。

其十九

千將埋深土。寶光燭乾蓋。九方相神駿。直在驪
黃外。○疾○酸○自○知○文章無聲臭。獨與神氣會。燈窻百苦辛。棘
圍三顛沛。大者流江河。小者通溝澮。燭盡呈主
司。爐香散醜禍。顛倒迷五色。虱影車輪大。登引
多糞土。放棄皆珠貝。光采不奮發。功業無倚賴。
大節愧平生。當局遂狼狽。本是眼珠矇。反餐
科害設。果贄無憑。豈真上帝賚。

其二十

種桃一勸地。三年得顏色。種棗籬落間。三年得
甘實。持此區區心。移松向山植。十年手可攀。百
年陰可息。微茫積漸高。尺寸難量測。宮殿資棟
梁。神僊採而食。層冰飛雲中。獨也挺然直。桃蹊
已飄搖。棗圃成荆棘。

其二十一

流螢曾幾何。其原本腐草。根莖委塵埃。自謂終
枯槁。盛夏生氣繁。大火分餘杲。飛飛籬樹間。輝
輝入重撩。敢笑徑寸珠。吐光欲壓倒。寧知太陽

中燭明不自保。嚴霜奮盛威。驅除忽如掃。大鵬息。六月一出凌蓬島。日月行其下。扶桑白皓皓。

其二十二

此種道理難以戶說

林宗衝雨行。巾角偶偃蹇。競製折角巾。相看稱雅典。安石洛生詠。鼻疾聲不展。掩鼻轉相毀。將無面目覩。俗見喜雷同。先聲吠衆犬。又或月且評。顛倒恣譏諷。曹瞞果英雄。則天真聖善。秦檜和以定。鄂王戰而舛。海上逐臭夫。都梁非所選。醜醜無珍味。瘡痂爲禁臠。史筆半糊塗。野書專

杜。誤何繇。起莊生。齊物息羣辨。

其二十三

有此品骨方有此詩

叢蘭幽谷底。馥馥襲衣裳。菊花生庭除。佳色發青黃。出處雖異地。動靜罔不臧。志士蓄晚節。高士延國香。不與衆草同。凌落萎秋霜。紉蘭以爲佩。采菊以佐觴。非爲口體謀。所慎在流芳。

其二十四

客兵坐馬上。結束甚雄駿。鎖吏罵有司。儼如對行陣。如何臨陳時。縮項不敢進。遂令山嶽間。空

屋投餘燼。州縣考生儒。英雄所發軔。出身本健兒。投旗竊正印。翻書出題目。長短靡所認。不文偏主衡。不武偏操刃。南山射虎人。風雪甘饑餒。何怪守殘書。寒牕老雙鬢。

七夕

淡極成雅是言詩三昧

星巧只牽牛。人巧俱乘馬。天孫方織錦。裂繒胡爲者。終南稱隱士。倚門逞嬌冶。昔昔理瑤琴。朝朝侍盃筯。誰知牛女星。只隔水土下。今年此夕來。又隔來年夏。交情本在淡淡極。翻成雅。

同門許菊谿觀察贈詩次韻以答

一葉任風飄。吹向棠陰任。契濶夫何言。十年首重聚。拜窺清秘閣。古雅有真趣。而我棲僧寮。軒車一再顧。論詩愜夙昔。新警拔沉錮。賤子澤雉性。飲啄思故步。歸囊豈云輕。珠玉捧佳句。量淺不勝杯。君當以情恕。登車聞野人。交口歌刑措。

附許菊谿年兄贈行原詩 十年方晤君。幸

不城市在滿面帶烟嵐幽光象若聚清淺閱

滄桑古入遜高趣。舉世啄腐腥。掉頭不肯顧。

伊余何爲者。猶被金龍銅。幸漸出坑樊。君胡
離。笛步。媿無北道情。愧少惜別句。莽欲從君
遊。糟丘未我怨。天道益茫茫。而我躬安措。

聽雨

夜雨淅淅來。簷聲無斷止。雖隔幾重垣。容易入
人耳。窗外滴不斷。窗內睡不起。原來千萬點。俱
在客夢裏。

一筆寫盡雨景。更不數米。虎兒。高房山矣。

南行載筆

倘湖山樵著

兄式如子評

七言古風

陳伯璣讀禮自門詩以慰之

我耳君名如北斗。今來奉君稱畏友。登堂拜母
古人風。君因母病躊躇久。君詩窮搜得別味。熊
膽苦參往往有。誦君之詩識君心。識君之心識
君母。母年七十剛無餘。不爲孝子留斯須。于今

天地正茫茫。風吹大海海。倒枯從來忠孝只兩
字。鑄在胸中不在泪。母存杯棬父詩書。杯影書
聲動幽窠。

蟋蟀

傳聞蟋蟀鳴。能令懶婦驚。誰知遠行客。聽此心
怦怦。機頭少婦泪潜潜。目斷天涯髮半結。如何
朝秦暮楚人。不及春去秋來雁。名利牽人百種
難。山幾盤兮水幾灘。况復人心善怪幻。比山比
水更多端。寄語秋蟲莫相逼。旅館荒堦何唧唧。

西風吹鬢幾莖絲。不堪歸付機中織。

題同門許菊溪觀察所藏

宣廟御畫

折枝花卉四幅。魚藻四幅。山水八幅。

太平天子拱深宮。二十五絃彈薰風。心閒手敏
三弄罷。手閒揮灑中山鋒。此真帝玉繪事。山光水色不恒歷。直

以。意想通虛空。豁窮雲斷境杳靄。微茫點出三
兩峯。光明偏炤逃下屋。魚罾樵擔烟濛濛。珠來
罔象妙宛轉。乘風郢斲光玲瓏。上林樹多一枝
借。色如出水鮮芙蓉。古人魚藻僅歌咏。何如鱗

鬣皆飛翽。魚涵藻影。身非我藻。轉魚騰小者。從中解許氏世清白。忽得此卷如彤弓。艱危幾落。蟲鼠窟呵護。終煩神鬼功。我披此圖三嘆息。此日何日方熙雍。神功聖武被蠻貊。精心小物及磁銅。驅遣穎君大如椽。詎與寒士鬪雕蟲。汗流面赤閭立本。宜和御墨空塵蒙。登床嘗侍攫不得。真乃化工非畫工。觀察囊中無一錢。歸裝持捧拱壁同。嗚呼十二陵前草木枯。玉魚金盃非舊封。奎章定有六丁守。不與九鼎沉蛟龍。焚香展函拜宸翰。此中恰有新甫之栢。徠松茅簷。古樹歌帝力。恨不將身入此中。灌花得稱漢陰叟。釣魚亦是河上公。

大功坊歌

大有關係文字

古今大功誰第一。山川重奠再立極。手持雷電撼羣雄。掃盡氛翳出紅日。當時佐者誰大功。中山王果萬人雄。鐵馬瑯戈枕席度。笳聲角韻吹和風。勾當江南公事了。鞭梢回指中原草。庚申至逐二狐遷。歸奏丹墀顏色好。賡歌颺拜聖。

明君。大樹將軍肯自艾。左劉右李亦爾爾。傳一
廖二徒云云。百年江中轉華夏。不獨凌烟銷一
畫。司空支放水。衡錢酬功賜第鐘。山下輦轂依
隨咫尺間。趨朝滿袖御香還。長樂鐘聲夢裏動。
上林鶯語酒中關。攢峯疊石工夫巧。穿池引水
波瀾老。意之所到天必從。日南隴右來花鳥。姻
姬椒房錦上花。兩侯南北共傳家。種得牡丹高
似屋。結成紫奈大于瓜。姬舞罷腰肢弱。雲中
飛下鞦韆索。爛醉春風百年天上蟠桃開。亦

落江外初傳白雁來。北風先到鳳凰臺。銅仙淚
墮鼓聲死。金鞭斷折王孫哀。拋殘棹楔如飛蝶。
大功兩字同磨滅。伍伯雄傳呵殿聲。擊鼓排衙
坐藩臬。半開半謝幾樹花。在私在官數畝蛙。游
魚尚記當時拍舞馬。羞隨今日衙乘時。得勢風
吹葉勢去時移。鴻踏雪。但見金源妬宇文。不聞
典午求諸葛。邵平瓜地東門東。今來古往將無
同君看新第。插雲際。又是何人立大功。功名各竹
帛。當如此。豪侈貴盛徒爲爾。魏公不朽不在坊。

摩眼挑燈讀明史。

皇磚行

長慶集中無此典重

道逢擔夫挑磚急。壓破兩肩頭。汗滴借問此磚何從來。舊時官闕今蒿萊。賣磚祇取僱工值。得錢沽酒亦佳哉。此磚上鑄工匠名。花紋隱隱觚稜平。姑蘓開壑大湖土。晝篩夜舂千萬杵。溫溫進火半月餘。賽拜神祇緩開耳。水部繕郎親點視。破損天斜俱不許。飛簽解戶供上方。內官又索金錢與。建章萬戶及千門。堅固垣墉天子尊。

大官巧匠細磨琢。密鑄直疊工。何論幢幢日出

珠簾曉。綠雲懶梳明鏡小。紫金城外卽民家。一

磚妙絕隔斷官娥老。題詩粉壁月昏黃。芙蓉葉上迎

霜早。文皇以後移北都。磚仍北解無歲無糧

船裝入一兩方。朱封黃袱相携扶。祖宗功德

今漂搖。人心不守城空高。北京大內燬于闖南

畿一載何嘈嘈。妻冷中自是森秀穠房宮監多白髮。石屋香燈散

安插。行到官門不敢啼。虛守先皇數行札。宮

城今改滿州城。妖姬辨髮搗鳴箏。氈帳齊懸夜

進酒東牆西壁縱橫傾。半經風雨。珊頽久磨劍。
支床無不有。漳河細瓦。琢成硯。此磚今落担夫。
手吁嗟。担夫勿復言。老猿蒼鼠。窺陵園。雁門雞
塞。皆廢址。西風淚隕。區區垣憶昔。一磚一解戶。
官胥督責。苛于虎。知破民間多少家。三百年來。
總無補。唐虞茅茨。夏造瓦。盍返江河歸太古。祇
今一担一十磚。一磚止索十黃錢。頑童飽飯敲
成塊。拋向城河。打白蓮。王孫多少。竄荆杞。屠狗
吹簫。雄帶礪物情。貴賤時不同。止有大江長向

東

路逢赴考者

舉頭見槐花。前途逢舉子。半挑襤被。半挑書卷。
問主家何者。是茅屋前頭。一盞燈。揣摹迎合文。
宗旨可憐意。劇恒成夢。夢醒只在茅屋裡。

續恨歌

七夕微醉還寓。見夾道紅燈。如簇屈指。
古來風流話柄。不一二數。而長生殿私
語。其最著也。因念乙酉歲淑女之事。既

卜吉矣。而龍蛇方起于陸。鴛鴦不安其
睡。欲效長生私語。其可得哉。古詩云。盈
盈一水間。脈脈不得語。因做香山作續
恨歌。微及當年目擊之事。一一爲註于
後。亦似陳鴻之作長恨歌傳也。孔子言
詩曰。可以怨。此足以當然之一字矣。

月在尾箕河影失。夾道紅燈炤簷出。千門兒女
拜黃姑。停車試問今何夕。清秋風土古來同。此
是金陵七月七。江山烟雨幾黃昏。六代興亡人

斷魂。淮右布衣三尺劍。石頭城內九重門。萬年
大寶金錢眼。諸山莫對如兒孫。莫愁雙槳近桃
葉。淡粉輕烟歌管咽。有禰兒郎懶讀書。十六樓
中領風月。閱江樓記御屏風。道德金湯寫數通。
三杯微醉宋學士。百首宮詞朱大同。燕子高飛
入南內。衣冠重整周官改。弓足織腰流水車。多
隨鳳輦歸行在。龍馭北遷長閉宮。年年宮樹舞
春風。鴛鴦心動魄。冷歲粧鎖倚。娜花枝寂寞紅。黃門
歲遣供西掃。金鋪玉題俱碧艸。墻東留得媚蘭

詩似聞粉泪啼。裊裊溝水曾分東西流。不聞北
顰更南遊。果。恩。斷。裂。日。光。漏。藻。井。欹。斜。夜。雨。愁。
武皇南巡親馭六。髯仙供奉新翻曲。那關水
上好迎春。浴龍池水到今綠。 睿宗之國舳艫
間。萬鴉飛噪龍江關。草木雖悲故宮殿。禽魚終
識聖人顏。甲申三月坤維裂。益星不炤土脈絕。
南風曲裡變時雍。永昌不昌兩日滅。虛議曾傳
廿七年。顛木當尋舊枝葉。空煩司馬數行書。可
情儀曹一通揭。此日重開洪武門。瑞氣鐘山五

色雲。賊。闖。無。門。匹。馬。橫。河。浮。神。木。何。紛。紛。若。個
握水講生聚。來者何來去者去。鐘鼓猶憑 高
廟。靈。風。霜。總。識。 孝。陵。樹。四。藩。割。裂。民。何。辜。六
等殊科恨有餘。姜歸史出金鈴暗。宵小三驅未
可驅。平原所望僅節鉞。慶元一網何其踈。將軍
告身一醉耳。金錢私屋如流水。月下轎影馬蹄
金。屈。指。數。家。謁。者。鬼。豈。知。忠。魄。化。寒。烟。蠟。九。空
寄。干。行。泪。是。耶。非。耶。陰。麗。華。敢。于。田。舍。認。官。家。
前星一點又疑似。青宮講讀眼俱花。驚風駭浪

動地起。刮骨裏。劍黃闖子。檄書可恨。武昌魚督。

師只合揚州死。官中秘戲浩無端。三千一。望慘。

無懽。誰當尤物堪千古。五雲尺一飛臨安。但得。

捧心成內助。何妨馳驛走中官。明珠確選真無。

價。銀燭輝輝將卜夜。萬蹄介馬飲瓜洲。銀河百。

道。東南瀉烏鵲。驚開潢漢邊。青鸞隔在蓬山下。

不及長生殿裡人。藜園羯鼓海棠春。一葉不露。

花裡過。三星渺渺眼迷津。大花小花十二樹。九。

龍四鳳空含頰。阿嬌正貯黃金屋。金屋量愁幾。

未足。未曾一笑向東風。已唱庭花怨。亡國金吾。

女樂野烟傷。秦淮清水葬馮璫。一枝月桂柔于。

柳也共羣芳。萎道旁。至今士女陳瓜菓。客囑沉。

沉供香火。不用雙飛入漢宮。但願民家作翁媪。

魚。鴈犀甲包虎皮。女織男耕向江渚。新婚垂老。

無別離。長歌不續長恨譜。到本小兒一恨日。

俗傳牛女既度天河無影。謂之河去。以其

來期卜米價不知天河始于尾箕終于東

井七夕月正當尾箕間故銀漢少影耳。

金陵之俗此夜各家于簷際掛紅紙燈籠乞巧○黃姑卽河鼓古樂府黃姑織女時相見○皇明紀畧云太祖開國之初所降詔書一則曰朕本淮右小民一則曰朕本淮右布衣○朱允升本傳上求允臧處所營建官殿允升曰主一家一國者以一家一國爲方隅君臨天下者以天下爲方隅今天下一家以天下形勢論之必得四國攸同居重馭輕之地可也上曰取

何朝對允升曰誰敢對自有天對上又于阡定殿中密瘞金錢以土覆之試問群臣升以手杖簽起金錢曰萬年大寶在此上大悅曰是何先得我心也○淡粉輕烟卽十六樓中之二也○太學初成太祖臨幸曰誰家有福兒郎居于此地○高后幸鷄鳴山國子生于號房壁隙覩之雜遝相挨壁敗而人見太祖一命諸生在學日久願歸息者報名凡報名者皆

成遠左名曰懶讀書軍。○藝林學山云永樂中晏振之金陵春夕詩花月春江十四樓蓋洪武中建來賓重譯清江石城鶴鳴醉仙樂民集賢謳歌鼓腹輕烟淡粉梅妍翠柳十四樓于南京以處官妓于時未禁縉紳用妓故也按金陵本十六樓此外尚有南市北市二樓云。○清溪暇筆云太祖祖于獅子山頂作閱江樓先令儒臣作記文成上日不及唐婦人徐充容笑尚能作

地廣民勞等語也。○又云太祖最愛李

山甫上元懷古詩哦咏不絕大書屏間其

詩有云堯將道德終無敵秦把金湯可自

繇。○實錄云宋濂不善飲太祖強之數

杯辭歸馬上兀兀搖蕩太祖製醉學士

歌賜之命羣臣屬和。○堯山堂外記云朱

同字大同其父朱升字允升號楓林先生

精于易數同初生升課之曰此子後必遭

婦人之禍及升請老歸山土欲錫以爵

士固辭不受曰臣後人福薄不敢叨天恩也上曰卿子幾何獨不使輔朕乎升泣曰臣子事君之忠有餘保身之智不足恐他日不得老死牖下也○上曰朕與卿情同父子何慮及此乎升曰非臣愚慮數固然耳陛下哀念老臣臣子不免賜以完軀幸矣上惻然因與同免死券後同仕至禮部侍郎善詩翰大被寵遇禁中畫壁多其題咏或令題詩賜官人忽御溝有流屍上

疑之令同自經○建文時童謠云莫逐燕逐燕日高飛高飛上帝基○紀畧云建文嘗有詩云是日乘輿看晚晴葱葱佳氣滿金陵禮樂再興龍虎地衣冠重整鳳凰城人以為文皇識也或云此二語乃楊維禎集中詩○建文時朝中俱依周禮命官文皇入俱改○永樂七年北狩六曹稱行部十五年改行在某部正統辛酉始去行在二字稱京師○蜀都賦金鋪交映玉

題相輝○金陵瑣事云南寧伯毛舜臣留
守時被命酒掃舊內見別院墻壁多舊宮
人題咏年久剝落其一署云媚蘭仙子書
末二句猶可識云寒氣偏人眠不得鐘聲
催月下斜廊○西京賦蕤倒加于藻井藻
井當棟中交木方爲之如井榦也○瑣事
云徐霽字子仁號髯翁豪爽工詩文所填
南北詞皆入律娼家皆崇奉之文衡山嘗
寄詩云樂府新傳桃葉渡彩毫遍寫薛濤

箋老我別來忘不得令人嘗想秣陵烟

武宗南巡獻樂府因得供奉兩幸其所居
快園登晚靜閣釣于池得一金魚宦官高
價爭買之又失足落水中衣盡濕園有宸
幸堂浴龍池召命禁直霖作詩記之云久
嗣幽風學老農聖恩忽漫起踈慵身離陸
海三千里目睹天門十二重封禪無書何
獻納清平有調幸遭逢臨流久洗巢由耳
也許來聽長樂鐘○記畧云正德戊寅駕

幸揚州、河水方合。○上問何時當解、江彬對曰、立春、然尚有旬餘日也。八上曰、春迎之、卽至耳、焉能俟之、命迎春于揚州之東郊、明月百花盛開、河水漸、臣民駭觀。○嘉靖中、叅議王喬齡奏、獻皇之國、至龍江關、羣鴉幾數萬、鳴噪向舟、李夏陽恭述於集其事、神異苑、帝命錄付史館。○客燕雜記、先帝自制琴曲、於變時雍、無怠無荒等、取尚書語爲之、內局造琴五百床、內監張姓者、專主琴務、遍貼紙訪知音之士、永和宮、墓草方宿、坤寧宮、淑質同殉、人琴其俱亡乎。○宋汴京之陷、有人先以盆水夜鑿、而不見星、蓋天星不炤也、掘土數尺、而無土氣、蓋地脈絕也。先帝時、庚辰年、宮殿中、嘗有一物、如黑膏、往來、逐之、卽隱、癸未、京師疫時、有黑膏一片、中人卽病、病起時、必有紅點在背中、包羊毛一縷、灰者數百萬、癸未冬、馬瑤草移書南京、親知謂鳳

陽陵中、有聲如雷者數月、又陵中松柏數
百年培養、忽樹有蟲大二寸許者、食其葉、
遠望一片枯黃之色、甲申三月初四壬辰、
欽天監奏帝星下移、十四日壬寅時、日色
兩旬無光、是夜風色陰慘、沙塵刮天、南京
孝陵夜哭十五日癸卯、日色益晦、正陽門
外、關神廟、旗杆劈開、十八日丙午、黃沙障
天、忽而淒風苦雨、良久冰雹雷電交至、十
九日丁未、陰雲四合、城外烟焰彌天、而賊

入京師矣。○古人謂永昌者、兩日相疊、為
日無多、何永之有、然晉元帝之永昌、一年
而薨、唐武曌之永昌、一年而敗、李自成于
四月廿六日癸未、自山海關敗回京師、廿
九日丙戌、稱皇帝、位于武英殿、追尊七代
考妣為帝后、太政府各置教書、稱大順國、
永昌元年、次日丁亥、帥羣賊西奔、先于
宮中列炮放火、各私寓亦放火、零賊飛馬
殺人、百姓各以床几等窒塞巷口、或持挺

小巷突出擊之、須臾九門城樓皆火、賊東
西馳走、不得出、至暮胥斃、城外草場之火、
與宮中之火相映、徹夜如白日、而賊遁、稱
帝果止兩日耳。○崇禎戊辰、有黃袱見于
殿角、先帝取而視之、內一紙書云、天啓
七、崇禎一、還有福王三十七、先帝夜召
諸閣臣謂曰、此事乃奸人所爲、當覈究而
重處之乎、或滅其迹而焚之乎、閣臣曰、不
如滅其迹而焚之、不獨見聖度之汪洋、而
諸奸人亦無所容其奸矣、帝笑曰、難道朕
只一年、遂焚之。○甲申三月之變、南中聞
報、諸大臣會議、福王之子、乃吾君之子、
現在淮上、先是諸王集于淮、有乩仙者、獨
于福王云、君是當今一大明、又以爲
神廟之孫、故人心屬之、獨閣部可法曰、扞
難當擇賢與馬督師、士英移書往復、卒莫
奪正派之議、及定位、可法索書、士英還其
手迹、而錄其稿、用督師印鈐之、以立案、可

法遂不能安其身于左右有揚州視師之
行此消長之機也○儀部郎周公鏞與武
定道雷公續祚亦有一揭言立賢之議爲
當卒以致禍○文震亨寔錄云五月戊子
朔監國駕于水西門外至孝陵遂從
朝陽門入至東華門步行過殿陛行謁奉
先殿禮出西華門暫以內守備爲行宮是
日都人見兩太星夾日而行鐘山紫氣中
五色雲見而先是龍江浮梗楠巨木幾千

章云史閣部書云五月朔日羣臣勸進僅
允監國迨臣民屢請始以十五日正位從
前鳳鳴河清瑞應非一卽告廟之日紫
雲如蓋祝文升霄欣傳大江湧出楠梓數
百萬根助修宮殿豈非天意哉○時有人
拈對云闖賊無門匹馬橫行天下○六月
間吏科章正宸言兩月以來文吏錫鞶矣
不聞獻馘武臣私鬪矣不聞公戰老成引
遜矣不聞敵愾諸生捲堂矣不聞請纓○

掌科吳公恭來有疏云、蘓州之撫、浙江之撫、人望所歸、忽然而去、臣不知其何以去、兵部之左、兵部之右、黨禍渠魁、忽然而來、臣不知其何以來、讀之殊有味。○淮徐楊滁鳳泗廬安、分爲四鎮、靖南伯黃得功、興平伯高杰、東平伯劉澤清、廣昌伯劉良佐、號稱四藩、而左帥良玉之寧南、戾不與焉。內惟黃得功、高杰爭汎地、日尋干戈、督師監軍朝夕爲之和解、後高杰被戕于許定

國而得功殉難于采石舟中。○從闖諸臣依唐六等定罪、刑部尚書解學龍疏曰、其一等姑定刑章、俟克復後、罪人斯得告廟而磔之、其二等長繫以待秋決、其三等四五六等、戶工臣原有納贖之議也、應贖者多致從嚴駁、其後聞左兵急下、僅以光時亨周鍾赴西市、而諸人幸免、贖緩不入于帑藏、而金錢盡歸于私室、是可笑也。光公時亨以在北都時、阻南遷之議、坐誅夫

責之以不能死、可也。若阻遷、未必非一議也。成敗之論人如此。○時有嘜云、使馬無疆、雖有金鈴不響、蓋指姜閣學白廣旣去、而史馬二閣部、未必成功也。金鈴指金陵。○數十年來之爭國是者、謂鄭貴妃有寵、有篡嫡之嫌、而當時之調護福藩者、是揣摹冀望而爲小人也。迨福藩當壁、則當有以處之矣、必欲盡遏萌芽、俾用臺諫爲羽翼、而一空正人。宋紹熙時、乘龍負鼎之功。

韓侂胄以椒房親效力、求一節鉞而不可得、致有慶元一網之事、則處之未得其道焉耳。○時有嘜曰、職方滿街走、都督多如狗、閣部兵丁、竟粹碎一職方主事之轎子、塗而馬錫以士英之子乳臭、提督京衛、日與內官橫王飛蓋、下教場、觀者噓焉。○賄賂公行、白金改爲黃金、便于包苴、四方金價踴貴、號之曰馬蹄金、言金蓋入手馬家也。○當時擅威福、而暮夜懷璧者、不過數

家大都閣部之門、兵部侍郎及職方郎中
之門、河南掌道之門而已。其他雖甚清要、
門皆可設雀羅。時有對云：劉阮非仙人、先
後幻弘光之土地。馬牛皆畜類、南北銷中
國之衣冠。謂牛金星與士英耳。士英又喜
清玩、有客餽以黃子久長江圖者。其子馬
銜攫之、士英持不與、誤以爪傷其手、出血。
聞其圖携至吾蕭山江上之鎮潮菴、
大兵渡江、提携欲入懷袖、復倉皇棄擲而去。不

知竟落何人之手。嗟乎、賈破頭聚定武蘭
亭、命客廖瑩中等、鑒審多至一千八百本、
至穢之人而有至清之好、古今一轍也。○
左蘿石先生懋策、以刑科巡核吳楚士馬
芻餉、清介不染一毫。自左營閱視回、相見
于皖、始知先帝之變、卽易衰服、慟謂予
等曰：先帝遭此變、老母又在北、忠孝兩
字、俱付之流水矣。人見南都、授上江僉都
御史。然聞其母卒、遂請以和議、加太常卿

尚陳洪範馬紹愉北行既至北持議甚嚴
請謁陵不得陳太宰于廳率將士哭三日
既遣南歸至滄州忽數騎遮懋第及紹愉
還懋第返止太醫院冬盡日大署其門日
太常寺正堂示本寺于崇禎十七年十二
月二十九日酉時封印弘光元年正月初
二日辰時開印復作蠟丸令參謀金鑣及
都司楊文泰赴金陵奏之蠟丸內言諸陵
情形數紙探得太子被難數紙有祭所先

帝文祭殉難諸臣文有參陳總戎疏一紙
謂輸國情也參其堂兄左某疏一紙謂不
死而又將仕也蠟丸至而金陵已失守矣
六月十五日江南既平下髡令副將艾
大選首髡以應懋第立柱殺之遂捕下刑
部擁入對理懋第南向坐于庭下詰問不
屈遂殉焉其聞江南陷題詩云峽拆巢封
歸路迥片雲南下意如何寸丹冷魄消難
盡蕩作寒烟總不磨○弘光皇上爲郡王

時娶妃王氏早逝既爲世子繼妃李氏洛陽之變又云嗣王之歲卽封童氏爲妃曾生一子不育已而遭亂播遷各不相顧及棄藩南奔太妃與妃各依人自活太妃之南陳潛夫奏聞于上弗召至是自詣撫軍越其杰送至上弗善也付錦衣獄氏在獄細書入官日月相離情事甚悉求馮可宗達上弗視然上于渡淮時止于寡婦杜氏家杜有養女能琴棋約徵爲后臨行時杜反治其行裝登位後亦未聞取入宮中○有王之明者傳是高陽王駙馬鬲之族人幼時侍衛東宮曉禁中事遂詐爲太子遣馮內侍及金吾馮可宗迎之駐輿善詩舊講官三人認之非是下法司然太子已于北京投周皇親家竟爲周鐸首送刑部舊輔謝公陞不認認而從坐者十有三人吾鄉工部郎錢公鳳覽與焉謝公不出數日卽死周鐸者非周之子姓而冒

其宗先是曾爲周后所逐。○寧南侯左公
良玉開藩武昌聞太子不認皇妃不認謂
朝有權奸百事倒置遂移檄遠近數十萬
師順流向金陵舉朝震駭檄文有云蘓松
常鎮橫征之使肆行携李會稽妙選之曹
日下江南無夜安之枕言馬家便爾殺人
北斗有朝彗之星謂英名實應圖讖又云
用腹心出鎮太尉朱泚之故智殆有甚焉
募死士入宮宇文化及之所爲人人知之
矣讀者快之左帥至江州袁總督繼咸迎
謂之曰太子非真未可造次時左帥已病
心悔之急傳令箭安諭各營諸兵不得動
江州一草一木三鼓後兵士竟破江州劫
掠甚慘次日左帥升帳將治亂兵之罪怒
罵裂背嘔血斗餘是夜卒而兵竟東下○
黃得功時號闖子近時之虎將也賊張獻
忠伏擒桐城守將廖應登隨以重兵圍桐
城半月餘得功救兵至卽遁皖撫犒之駐

師練潭與安盧道張公亮飲酣時得功年
已六十矣披甲躍馬提刀以示勇得由小
坡下策馬行三五里至其營帳帳高二丈
餘廣四丈餘夾馬飛騰其上而過觀者吐
舌數寸故其擒劉超之弟劉達也達已越
澗而逃澗濶數丈得功驅馬一躍而過撞
澗臂折用左手擒達先帝賜之醫藥至
是禦左兵于銅陵凡數戰皆勝左兵不得
下臂爲流矢所傷裹瘡而戰○是時調兵

堵左馬兵則黃公得功步兵則劉公良佐
水兵則黃公蜚東南之精銳盡于此矣揚
州受圍告急朝臣因召對備言揚州之救
萬不可緩左兵不過誤聽道塗以青宮爲
真耳尚可理論宜撤銅陵荻港之兵併力
今言以救維揚馬士英厲聲言曰公等猶從門
戶起見尚以爲左邊可恕耶蓋士英讀左
之檄恨左彌甚且以爲左若入朝已且不
測也故掌科吳公迺上疏謂可理論左兵

且言方國安兵橫恣不可用。竟下刑部。由是揚州不救矣。四月十五日。兵薄城下。屢有使來諭招降。閣部痛罵投賚。令旨人于木。十八日。閣部知勢不可爲。謂其下曰。吾誓與城爲狗。然倉皇中。不可落于敵人之手。以死誰爲我。臨期周旋。令得快然。取義者。副將史得威慨然任之。閣部曰。子能爲我成一生大節。况又姓史。吾遺書當譜入子侄中。二十五日。城陷。閣部奪刀自

刎。參將許謙抱任。命得威刃之。得威不忍。謙同數十人。擁閣部下城。至小東門。謙死于亂箭。閣部見兵盡至。卽大呼。史可法在此。被執。赴于新城南門樓上。俱各口呼先生。再三勸慰。閣部痛罵不絕。遂授命于南城樓上。終死于他人之手。非閣部付托意矣。○宮中之事。如花石珠玉之好。正月掛綵燈。端午戲龍舟。皆極一時之盛。至如所傳嬖幸老璫。及內官。以參飼犬。以犬飼羊。

供房中之丹之類恐不如是之甚也總之
半壁江山斷送于馬士英一人耳士英督
鳳時威名頗著及輔政時如抵手棋着着
見錯吳萊云賈似道閩材有餘相材不足
豈天命之果不存耶○據邸報欽天監一
本奉旨這淑女六人在于十月初十日
午時送進選擇禮部一本奉旨京城百
萬餘家豈無淑女以備採擇還宜博訪細
選以光大典司禮監一本奉旨淑女一

時乏人着于杭州等處選擇前旨所云

六女者嬪御之類後二旨則淑女也而

江浙之地騷然矣南京選定七十人內擇
一阮淑女浙江所選五人內擇一王淑女
又輦下一周淑女其父負緣自獻亦擇取
之三官已定六禮未成于西華門外設廠
供奉懸綵于門每日女奴演習綵輿于路
禮官方擇日大婚而輦鼓動地驚破霓裳
羽衣矣初十日傳旨三淑女放歸母家

○會典皇后冠爲圓匡。冒以翡翠。土飾以九龍四鳳。大花十二樹。小花如大花之數。○張士誠被圍時。姑蘇有爲詩以譏用事之人云。王堂金屋愁如衆。布鞵青衫醉似泥。○端午日。金吾馮可宗進女樂一部。至十一日以後。亦化爲凝碧池頭之管絃矣。○有張璫者。頗擅董賢之寵。後有馮璫亦因張以進。寵嬖更甚。及潰散後。馮璫自投秦淮。○魯女名月桂。有殊色。太后母弟

欲得之。魯遂因他貴人夤緣入宮。後不知所終。有宋蕙湘者。亦秦淮女也。其題壁詩云。風動江空羯鼓催。降旗飄颻鳳城開。將軍戰死君王繫。薄命紅顏馬上來。一廣陌黃塵暗鬢鴉。北風吹面落鉛華。可憐夜月篁篔引。幾度穹廬伴暮笳。二春花如繡綺如烟。良夜知心盡閣眠。今日相思渾似夢。筭來可恨是蒼天。三盈盈十五破瓜初。也作明妃別故廬。誰散千金齊孟德。鑲黃旗

下贖文姝。四被難而來。野居露宿。卽欲效
章嘉故事。稍留翰述。以告君子。不可得也。
偶居邸舍。索筆題四章。以冀萬一之遇。命
薄如此。想亦不可得矣。秦淮難女。宋蕙湘
和血題于古汲縣前潞王城之東。又郟城
李家庄旗亭壁間。題三絕句云。不畫雙蛾
向碧紗。誰從馬上撥琵琶。驛亭空有歸家
夢。驚破啼聲是夜笳。一日日牛車道路賒。
徧身塵土向天涯。不因薄命生多恨。青塚
啼鵲怨漢家。二驚傳縣吏點名頻。一分
明漢語真世上。無如男子好看他。髡禿也
驕人。三後跋云。吳中羈婦趙雪華題。又淇
水縣宜溝客寓題壁云。馬足飛塵到鬢邊。
傷心羞整舊花鈿。回頭難憶宮中事。衰柳
空垂起暮烟。後有小序云。妾廣陵人也。從
事西宮。曾不二載。馬上琵琶。逐塵長去。愴
懷賦此。凡同人見之。幸知浮生之所歸耳。
和淚濡毫。促裝心亂。語不成章矣。時庚寅

七夕後四日也。廣陵葉子眉識。史遠公云。予闕畢。初疑爲好事者所爲。呼王者審之。知真爲當時西宮云。凡此皆羣芳之萎道旁者也。補註治世餘聞云。弘治年間。太監季廣以左道見寵。中外多賄求之。未幾罹罪。自鳩歿。上意必有奇方秘書。命搜之。得一簿。中載某送黃米幾百石。某送白米幾百石。黃卽金。白卽銀。遂籍沒之。凡與名者懼甚。星夜赴戚畹求救。不期而會。凡十三人。月下見轎影重重。而一人獨乘女轎。事雖得寢。而賄賂之名彰矣。南中當日。月下轎影彌甚。皆馳送馬蹄金者也。蕭尺木書至。

去年過我西樓下。荷花一。恣揮酒。再訂今年湖上來。君來未果。荷又開。雙魚飛至鷺峯寺。開緘拂拂清風至。寫盡青山讀盡書。青山無價書有餘。長江浩浩魚龍舞。君子之交足千古。

百結柔絲... 蘇州... 賦上... 去年... 蕭只木香至

南行載筆

倘湖山樵著

兄式如子評

五言律詩

舊院

鬱鬱數榆柳。人稱舊院名。朱門蟲網密。華棟燕巢傾。歌扇原無定。春風故有情。白頭隣婦在。草裡拾珠瓔。

又 憶卮卯同門會。晏于此

五律

倘湖小築

憶昔遊行地。天香散綺羅。佳。有。青衣盛瓜子。紅豆打
鸚哥。廿載隙駒迅。幾經戰馬過。徘徊作癡想。疑
是隔銀河。無。欲。春。風。好。不。肯。自。取。相。歡。喜。
寄陶邃初。蘇。蘇。到。未。門。曉。際。密。華。卷。前。
葺理故侯業。瓜田數畝餘。較書如掃葉。留客且
烹蔬。帳簿春秋腐。年華曆日除。無須飲沆瀣。鶴
骨本清癯。

答王文叔

瓶粟閒嘗罄。英。維。本。破亦豪無人。知古調。有酒伴
離騷。念母心多痛。傷時天自高。相逢冶城下。秋
色到江臯。

又

搔首江天暮。孤雲閣不流。醒多深。于。秋。者。專苦夜。客久易
爲秋。詩自問千古。鯖非羨五侯。歸書吾與附。何
日果扁舟。

登秦淮小舟

一葉浮輕棹。低蓬且自寬。人聲烟市密。天色水
雲單。妙。境。挾刺真無謂。携書亦懶看。勞生雖草草。何

處不清安。

別陳伯璣

往往見至性。况當苦凶初。父風清白甚。家計播遷餘。孝子存惟骨。良朋寄有書。江天飛雁迥。涼月夜相於。

又

一起軒然作金翅。劈澣之勢。

大江流浩蕩。烁意在丘園。詩豈名流解。貧令文士尊。洞庭悲帝子。淮水飯王孫。忍掛征帆去。瀟瀟倚暮雲。

別丁菡生

幽僻從吾好。將心此地安。種花嫌徑窄。得水覺天寬。詩碑。世人非我交。情波更瀾。松風疑有約。夢

醒卽珊珊。

又

握手無多日。情親意已遙。書城堅不拔。石交折吾腰。故物青氈在。佳語不易得。新詞落葉饒。歸舟回首處。兩渡接江潮。

乞巧

世情巧已盡。畧剝與還天。又向天工乞。將無人
意偏。暗中將線摸。菓上看蛛懸。剛被牽牛笑。停
鞭未肯前。

七月八日午後得雨

新秋又雨過。爽朗更誰如。比亂干戈定。猶人疾
痛除。豆花當晚笑。涼月入窓虛。登榻即成夢。藹
聲透薄籬。

邸中聞老母病急歸

堂上慈暉暮。如何千里遊。俱純孝之言心驚屢有夢。意急反

嫌舟藥裏兒。妻代涼風節。序秋長亭難極目。楊

柳晚烟愁。

又

雖云兩月別。恒念八旬親。手線猶然密。身衣未
盡塵。平安書報是。疾病口傳真。急買江干棹。風
姨好送人。

慈靜能延算。郎當申壽年。苦辛句聯珠以難計日。步履總

邀天經卷。關心口孫曾。繞臂肩當緣。倚閭迫歲

五律

四

倘湖小築

氣偶相煎。關心。忍。曾。錄。曾。自。當。錄。尚。關。或。或。
遭時合閉戶。况有老親存。救水光華重。舟車天。
地昏此為求。在我無用叩人門。潦倒山川意。秋。
來憶故園。歸途雜咏。念八。自。自。自。自。自。自。自。自。
屈指應多日。歸時又一天。青。蚨。犒。門。戍。綠。樹。指。
驟。鞭。良。友。一。樽。酒。前。朝。幾。百。年。解。鞍。村。墅。曉。劇。
得主人憐。

又

金陵舊帝里。一覽便思歸。于我原無戀。求人計。
轉非掉頭知。改轍倦翼久。忘機應念山中樹。清。
風冷釣磯。

又

片雨滌炎蒸。登車若不勝。前山已北固。回首尚。
金陵。烟。靄。分。南。北。江。山。認。廢。典。繇。來。寥。廓。意。舉。
酒念親朋。

奔走多岐路。分酬幾樣心。貴交矜氣岸。詞客費
沉吟。原州秋偏勁。輕雲夕易陰。一舟隨去住。今
夜宿前灣。又又炎蒸登車未。不似前山日。北回西
青箬孤蓬扇。茫茫天澗間。乾坤純是天机吾老大來往。一
癡頑。久學波中鷺。欣看雨後山。鏡中時自笑。不
似舊時顏。

又

三四閱世深矣五六任道坦然

城邑荒殘後。酸風好作秋。人心無別解。吾道與
誰謀。未必辨元豹。方將馴白鷗。歸逢山果熟。幽
徑且夷猶。

又

汗漫真成錯。歸與道亦尊。看山差不負。泛水吾
何論。人面冷于鐵。客場熱似燔。故人倘借問。只
此是寒暄。

又

江南古所憶。客棹幾迴過。稻蟹村人市。輕圓畫
舫歌。秋蟲吟正細。吳語乍多訛。夜月波心定。烟

堆叠未完債。新書與舊書。幽風動科斗。硯水飲
蟾蜍。倦對能催卧。幽探或廢精。古心文字外。隔
世可沾諸。

右買書

其二

古史無傳火。新箋待逸民。將無媚鸚鵡。端可泣
麒麟。毫帶冰霜氣。鋒存薑桂辛。我行無倚劍。只
此作朋隣。

右買筆

其三

我愛端溪石。因端屢念之。所存青有眼。不貴滑
如脂。天地心。三點糊塗墨。一池近來。銅雀瓦多。
寫李陵碑。

右買硯

其四

團扇欺明月。芭蕉學草書。近人爲折疊。人用頗
安舒。白面都謀國。清風合閉廬。數行揮寫去。千
里代雙魚。

右買扇

其五

買書已迂計。更買數盆花。眼底千秋事。杯前一片霞。物情無定價。我興偶然賒。消受今宵月。披書花影斜。

右買花

其六

從來少靜悟。頑性未通禪。獅子調難伏。鸚哥口不蠲。有心終是病。髡髮已隨緣。好向蒲團上。工

夫子午前

右買蒲團

小物中說出如許大道理

其七

鏡裡霜絲出。眼中花信來。特央新覈豔。尚與古徘徊。刻劃妙境天逾碧。穿雲月在杯。眼光原太毒。造化巧安排。

右買覈豔

其八

適意莫如睡。更尋適意儔。玲瓏能解會。宛轉巧

相謀石榻幽人夢。毛詩君子遠。風姨終有妬。團扇又迎秋。

右買竹夫人

其九

空濛得至趣。不獨愛清新。此其家不貧。千古山川在。半生茅屋貧。所南花有泪。元鎮月無人。五岳未盈掬。橫斜几上陳。

右買畫

其十

錫山看不厭。恨不挈山回。愛此甕中水。新從澗裏來。青勝。撐腸舊文字。入手古樽壘。兩腋誰為主。清風帆正開。

右買惠山泉

觀象臺久荒蕪。其幾衡銅尺。諸器尚在今。

移置江寧府中

觸物增愾嘆。撫時心怒傷。星河藏混沌。日月屢洪荒。周末沉九鼎。羸強畢六王。山中粗糲足。清夢到扶桑。

又

天意有醒醉。疑非象可求。古人遺妙手。久矣委
荒丘。郵驛經千里。鞭驅或萬牛。金陵結餘無勝氣。王
輦絕東遊。

又

誰將千古意。認定一盤星。社廢烏啼屋。宮荒草
化螢。桃源忘漢曆。桐葉辨堯蓂。銅尺憑移換。峩
峩刺史廳。

又

西洋新有法。北極蒂何依。柱立猶存影。衡空孰
綴璣。酸風射銅狄。弱水泛支機。似化遼東鶴。終
驚時地非。

鷲峰寺東偏小房顏曰顏魯公讀書處不
知何據也。境頗幽靜。

魯公讀書處。弔古動咨嗟。風鐸塔傳語。水盆魚
泳沙。鳥聲恒剝琢。僧髮半鬚髭。墻角懸新月。銀
勾燦筆花。

又

魯公讀書處。久屬老僧居。正氣千年在。山河百戰餘。風雲通戶牖。鳥雀下階除。蒼勁餘姿媚。空懷爭座書。

滄舟虎丘與施偉長話舊天忽驟雨

樹色西風裡。蒼芒秋水天。故人急携手。斷岸泊征船。世亂真際惟朋友。年衰尚簡編。鱸魚正肥美。杯酒酌三賢。

又

中原猶戰鼓。客話入淒涼。杞種秋登近。槎枒古樹黃。担頭買松菊。船尾具壺漿。急雨停船久。寒交滋味長。

無異

秦火燔六合。人間無異書。但知傳姓氏。僅爾註蟲魚。口業可慨有牙後。心花止唾餘。可憐鄴架滿。鐘鼓祀鸚鵡。

又

周孔不可作。世間無異人。商山翼劉漢。執戟美王新。槐樹蟻群國。桃花魚子津。但留骨性在。頑

逸。莫。非。民。○ 鮑。精。○ 西。蘇。○ 蘇。魚。子。○ 卷。四。○ 詩。三。○ 蘇。○

周。其。不。百。○ 外。世。○ 開。無。異。○ 大。南。山。○ 蘇。魚。子。○ 卷。四。○ 詩。三。○ 蘇。○

大。○ 卷。四。○ 詩。三。○ 蘇。○

蘇。○ 卷。四。○ 詩。三。○ 蘇。○

蘇。○ 卷。四。○ 詩。三。○ 蘇。○

蘇。○ 卷。四。○ 詩。三。○ 蘇。○

蘇。○ 卷。四。○ 詩。三。○ 蘇。○

蘇。○ 卷。四。○ 詩。三。○ 蘇。○

蘇。○ 卷。四。○ 詩。三。○ 蘇。○

南。行。載。筆。○ 卷。四。○ 詩。三。○ 蘇。○

倘湖山樵著

兄式如子評

七言律詩

金陵懷古 ○ 卷。四。○ 詩。三。○ 蘇。○

眼。空。荆。益。莫。紛。紛。○ 江。表。孫。家。舊。策。勳。○ 直。道。兩。雄

難。並。立。○ 俄。然。一。戰。定。○ 三。分。樓。船。已。化。崩。崖。燼。羽

扇。○ 輕。揮。隔。岸。雲。○ 曾。指。降。帆。黃。蓋。誤。○ 豈。知。紫。蓋。誤

天。文。○ 卷。四。○ 詩。三。○ 蘇。○

右三國吳

其二

銅駝眼底走颺颺。似帶江波屢受驚。半壁清談
沉戍火。幾家門第誤蒼生。圍棋偶賭淮淝捷。酒
甕難開劉阮醒。一片中原誰與夢。荒鷄夜夜叫
初更。

右晉

其三

奮臂雄呼詎有因。擄捕百萬肯逡巡。經營百戰
終移晉。倉卒言歸反失秦。薄笨尚嫌兒輩橫。葛
籠番笑祖風貧。但題甲子猶存歲。終遜桃源峽
裡人。

右宋

其四

劉氏諸孤等一瓠。典籤金甕及兒曹。樹花未必
皆簾幌。骨肉何曾勝羽毛。世少義風存犬噬。家
多涼德痛猿號。蔣山空享尊靈號。應笑東昏已
若敖。

右齊

其五

方聞咄咄慶遭逢。旋見荷荷報漏終。鐘簾移于身。捨後金甌破。在受降中。木刀識合總貞白。尺拂機先又誌公。為問南朝多少寺。臺城東畔雨濛濛。

右梁

其六

黑頭宰相果風流。潘陸平吞更武侯。辱水不堪。妃與共醉鄉真可客。同遊羽書塵漬江天暮。至樹聲飛樂府秋。香火精藍僧臘在人傳。結綺勝迷樓。

右陳

其七

更有虛聲者在齊。丘又當眼睛一縫矣。

磐根仙李又枝分。長劔空教倚黑雲。入破燒槽留恨譜。衲衣歌板乞紅裙。香堦袂襪三千隊。國老虛聲十萬軍。采石江邊東下水。釣絲依舊裊青根。

右南唐

其八 萬里來不遠 萬里來不遠 萬里來不遠

迅掃妖氛古北平 楚江吳水兩澄清 丰牛光氣

知重曉 日月齊懸見大明 虎踞地靈雄用武 龍

姿天表物資生 橋山弓劍今何似 帶劍登丘最

愴情

右洪武

其九 其九 其九 其九 其九 其九 其九 其九 其九 其九

特問周公欲輔誰 肯云周禮不堪施 從龍豈是

真禪子 逐燕何當上帝基 瓜蔓九宗殉烈燿 蒲

瓢千載競傳疑 金川門上孤臣淚 流斷長江沒

盡期

右建文

其十

宰相重來偃月仙 談詩索畫更清元 廟堂門戶

龍蛇鬪暮夜 庭除帝鬼專 難塞九泥楊子渡 先

驚鉦鼓武昌船 雨淋鈴曲何人唱 一夜崩離淚

滿天

右弘光

金陵旅寓有感

旅况先秋每易驚。况瞻禾黍倍愴情。夕陽未落燈懸塔。古渡無人潮打城。鳥向風前呼望帝。客從驪背說西京。未須炤影官園水。恐帶當年嗚咽聲。

其二

停車瞻拜孝陵雲。寂寂空山散馬群。不改舊觀推古刹。每聽小說得新聞。紅鬚應被花相笑。綠樹誰將髮共耘。對酒當歌歌不得。一聲狂叫送斜曛。

其三

有美何人盪小舟。石青紗軟襯輕柔。不知亡國庭花恨。猶把連根桃葉謳。山日半。柳花指。澁迴風欲動。眼波流。明朝更訂相逢約。共折新荷向莫愁。

其四

江水空將南北分。餘艍輕渡夜來軍。後湖冊紙

七律

五

倘湖小築

糊。村。店。前。殿。墻。磚。砌。野。墳。首。菴。欄。圍。秋。馬。壯。芙。
蓉。池。館。舊。香。焚。大。功。坊。倒。開。公。署。誰。說。中。山。有。
異。動。

其五

一。局。殘。棋。黑。白。懸。誰。教。鮑。老。却。當。筵。五。侯。子。弟。
多。前。馬。十。院。繁。華。空。暮。烟。書。舖。尚。存。元。宋。刻。酒。
家。不。數。啓。禎。錢。鐘。山。翁。仲。形。骸。古。閱。盡。風。霜。三。
百。年。

其六

曾。聽。銅。龍。侍。早。朝。十。年。重。此。見。蕭。寥。髡。歸。松。影。
鷄。鳴。寺。馬。繫。殘。枝。文。德。橋。江。浦。固。山。閒。放。獵。城。
樓。撥。什。漫。吹。簫。誰。經。茂。苑。徘徊。久。其。許。隨。風。雨。
信。潮。

其七

滿。州。城。裡。美。嬋。娟。細。辨。青。絲。抱。錦。絃。半。想。故。園。
含。風。淚。也。從。初。學。奏。新。篇。金。猊。欲。冷。朝。來。篆。石。
馬。生。陪。酒。後。烟。自。愛。蛾。眉。還。看。月。蛾。眉。月。到。幾。
特。圓。

其八

一起得陡絕瓶一鉢一條。筇寶剝東偏。偶住踪。歷劫未燒。
古繪事。屢參不破。舊機鋒。藏經賜自文皇帝。
法器傳從金碧峯。最是晨昏百八响。淒清畧似
景陽鐘。

其九

燕尾分貂龍眼盡手作短襦。三韓騎士紫黃鬚。新征闕海
衝銀浪。曾定湖南射鐵弧。愛妾千金當駿馬。紅
燈一叫得梟盧。夜中蒲擁歌兒醉。起擲飛丸打。

畢適

其十

六朝事蹟久荒蕪。虎踞龍蟠識舊都。方恨東遷
虛以巧句寫事北拱。豈知南渡誤西湖。聞羸蟋蟀襄樊破。拜
罷啼鵲蜀道枯。我唱大江愁欲絕。驚濤亂石起
鷗鳧。

麻姑山草堂贈言

隔偏人境此區區。谷口藏名不喚愚。二老已成
松與我。一聲清嘯鶴將雛。心從灰死休肥瘠。酒

可○忘○憂○暫○借○治○歷○劫○滄○桑○渾○見○慣○肯○將○狡○獪○問○
麻○姑○

又

入○室○惟○餘○點○也○風○一○瓢○閒○掛○室○之○東○朝○來○煮○字○
和○丹○熟○月○下○敲○詩○與○鶴○逢○松○徑○未○荒○空○抱○膝○桃○
源○有○夢○屢○書○空○不○須○臨○寫○仙○壇○記○石○骨○稜○稜○見○
魯○公○

又

頑○民○退○步○卽○頑○仙○好○向○仙○壇○枕○石○眠○萬○樹○梅○花○

點○香○雪○一○條○溪○水○蘸○寒○烟○橫○斜○日○影○歸○村○牧○鳴○
咽○簫○聲○罷○釣○船○世○上○風○波○總○銷○却○可○知○滄○海○是○
桑○田○

又

採○藥○從○來○有○素○心○我○拚○羸○骨○入○窮○林○茅○山○作○句○
猶○文○字○台○石○爲○梁○自○古○今○王○母○欲○來○絕頂遊仙鸞○信○早○麻○
姑○仙一○去○虎○踪○深○多○君○此○地○能○藏○傲○雲○樹○千○層○未○
可○尋○

讀漳象先生遺稿新餘半半園南入新

七律

八

倘湖小築

正學久從箕尾去。先生浩氣斗牛間。南人涕破一江水。漳衆魂歸萬里山。飲食中庸剛白刃。乾坤破碎孰黃冠。投身豐鎬藏弓地。風雨淒淒虎豹關。

其二

四詩亦似石齋

八卦論兵百不窮。如何指顧誤師中。龍蛇未奪五千卷。雷電難迷十八公。祇信張椎終一奮。寧量曹鼓竭三通。鳳臺門外藏遺蛻。除却鵝花無別紅。

先生別十八公各三絕句乃十八名山地

其三

事尚可爲當力肩。此生寧肯媿前賢。最憐姬孔千秋學。難柱東南半壁天。羊陸論交同說夢。許張兵解亦登仙。崖山未覆身先隕。惶恐灘頭更黯然。

先生于時上當事書有大夫得專境外羊陸對敵交歡之說

其四

七律

九

倘湖小築

炯炯雙眸。照古今。棋殘猶是費分侵。麒麟冢上。
春秋筆。鼎鑊場中。臣子心。八閩方隅。迷口畫。生先
云十二方隅成口。六朝鐘鼓盡銷沉。人和一着。
畫乃識唐字耳。輸西蜀。拜表空追梁父吟。

手時文武不和。元老之領兵外出避之也。元
老出而不與之重兵。蓋委之于外也。

江南秋思

筆床茶灶足餘生。自署無名已。是名燕子忘機。
恰。麟。神。故。人。何。事。又。之。京。關。中。地。赤。人。惟。骨。閩。
陰晴。象風搖陸走鯨。身在江湖莫迂計。釣竿八尺課
陰晴。

其二

綠蘋波面晚涼增。每嘆高風憶季鷹。水影一絲
舟子。緯林光數點。草菴燈孤。蓬冷客閒。吟句小
浦。歸漁暮捲罾。渺。水天相混接。不知雲際幾
千層。

其三

寒雨初生。衣袂秋。人心不定水長流。梧桐觀化。

風先到。蟬。蟬。驕人韻。特幽。客路光華。仗明月。豐年消息。問牽牛。平原野草生。惆悵戎馬。關山未盡收。

其四

鱗比村居亂。後微維舟。沽酒柳依依。豆花垂角。烟籬密。葫蘆葉穿魚星。留稀過客。留訛傳邸報。縣胥督課說官威。普天橫索多如此。夢裡農黃未可希。

其五

一部春秋終于黃池感慨深矣

尋求水道問三江。汊瀆縱橫古蹟龐。拂樹布帆輕。五兩眠汀。鳧翼起千雙。有吳君子空存墓。讀盡春秋見此邦。壯歲心魔灰熄久。只留詩癖未全降。

其六

橫流將與陸俱沉。萬事無端兩鬢侵。繡錦文犧非宿願。白衣蒼狗詎關心。天晴忽雨移寒暑。月魄重生悟古今。不服車牛又行役。江湖滿眼費呻吟。

其七

脾傷多慮減如葦。嘸亮清歌隔浦聞。夢接故交連夜月。詩搜遠句一天雲。少年拔幟稱詞客。叟肩芻膳戍軍。閉眼靜觀青白髮。野鷗相信可同群。

其八

詎關作計懶為官。吟聳雙肩瘦又寒。鴻雁一聲人意肅。蘆花千頃客程單。翻案語却真黃金自少非散盡。白雪忘歌豈和難。青史他年誰着筆。儒林獨行等閒看。

閒看

望太湖諸山

湖上群峯隱顯間。雲開見水水涵山。曾經戰伐波濤險。猶剩汀洲魚鳥閒。古樹寒烟時共遠。孤舟細雨每輕還。多慚婚嫁荒人意。五岳高風未可攀。

又

畫中山勝于真山。詩中山又勝畫中山。

久辦扁舟入五湖。前山如畫隔秋蒲。夢中似識青螺黛。數點看同水百鳥。乍近更遙高士態。移

歸不得野人愚。迴帆轉側環相望。欲與靈威探
古圖。

南行載筆

五言絕句

憶舊

倘湖山樵著
兄式如子評

清秋良夜。邸眠不寐。憶舊時讀書遊
歷之地。一一目前。蓋少時既無裘馬
狹邪之好。又不作名山大川之遊。祇
此破書數束。穿蠹其中。而友朋昆季。

花日玩賞。風雨聯床。歷歷可記也。每

地各絕句二首。

印月軒

先曾祖三峯公築新居而作二小軒于池之上左曰浴日右曰印月予幼與同堂昆季習業其中

月當十五夜盛滿出東方。炤我几上書。字字如

琳瑯。

又

半畝漾清碧。微風與波弄。明月穿其中。透底寂

不動。

鸞聲百轉樓

侍先君子與王海觀諸中表共事

雨過綠樹新。栗留聲歷歷。一陣好風來。飛去渾

無覓。

又

披襟坐危石。古樹多夕陰。萬籟歸何有。處處來

好音。

雲岫寺

先君子主講席而與洛會叔祖王海觀等同焉

白雲亦有心。愛向深岫居。朝來飛作雨。稍覺北

窗虛。

又

日月兩丸古岩前。幾老僧。江湖不改舊。一日兩

回增。

松石居

隨餘量伯父風季兄遊而園客
任昆季為侶

籬落花香時。桐陰客語罷。若使石點頭。便教松

亦化。

又

案髮半蒼黃。石膚兼文醜。坐者亦先民。與之稱

三友。

與耕烟叔式如兄各坐一窠

塔影軒

古槐響清風。悠悠木魚冷。夜深月向中。看見塔

無影。

又

漁唱蘆青青。鳥喧竹楚楚。磬停僧梵靜。又聽風

鈴語。

松篁我友樓

時予覲顏王講而中表弟
數人相隨

萬山當盛夏。一雨即秋清。閑中得意事。聽雨聽

溪聲。

又

松樹皴成鱗。修篁面相覩。驚雷夜半來。恐化蛟龍去。

龍去。

黃灣洲

予與家季同處周氏之廬而與董子九徐望子等社課

密樹啼嬌鳥。輕初時往還。滄桑百經歷。猶夢在

黃灣

又

竹葉映深碧。晴光蕩太虛。若耶一溪水。何處水

堪如

厲市湖

丁吳如朱輩之等相隨

屋角掛蓑衣。儵魚白皓皓。一引上絲竿。匏樽共

傾倒。

又

澄湖漾碧波。蒲耳採菱歌。灣裡慈茹爛。其如秋

水何

近水居

王中郎邀予與家季讀書

近岸船如屋。傍崖屋似船。山陰西小港。面面好

山川。

山。又。

我向前溪去。前溪灣。又灣。似行百里路。只隔一

重山。或本韻。

倘湖小築

先君子構書屋其上。而予與家季讀書時。則先君子棄我去矣。每用愴然。

敲石出新火。汲泉貯短甕。夜來瀑布聲。驚破幽

人夢。

山。又。

山尾珍珠泉。蒼茫不可狀。客至莫言貧。舉泉即

相餉。

八畝園

時禹功弟等與予兄弟

築園方八畝。割半留為池。花落水生香。游魚知

不知。

又

琴動兩三絃。至音。拈指音圓脫。石出火温温。池魚飛

潑刺。

澹園

與京侄共專

居士抱素懷。淡然有深味。清泉煮嫩笋。蕭冷沁

心胃。...

又

桃花路欲迷。只在西城淡○同○之○景○目○前○。西城中。名利客來往。若醢雞。

南行載筆

倘湖山樵著

先式如子評

七言絕句

紀程詩

五月初六日冒雨出關登船

雨絲風陣兩三回。向午停車陰翳開。正好飽餐山色去。新滄角黍渡江來。

初七日崇德舟中

七絕

倘湖小築

坐亦攤書倦亦眠。眠中有定坐中禪。乘風來往
船如織。不放心旌與眼簾。

初八日泊舟王江涇

村童牧牛兵牧馬。共向平林青草坡。為問牛耕
剛百畝。何如跨馬一操戈。

初九日順風至姑蘓舟行甚駛

又送舟行又送涼。布帆飽控掛斜陽。慚無好筆
驚天壤。不用長風出馬當。

初十日過潁聖關

捲收如意愧魚鬐。觸熱干人人所憎。關吏繇來
辨炎冷。炎天有客冷于冰。

十一日舟過常州

毘陵驛外官船過。飛虎旌旗捧上方。未必有官
清似水。絳夫老死水中央。

十二日至丹陽停舟準提閣前

處處郊原未盡耕。家輸馬草戶屯兵。準提閣上
凭欄看。日日江潮怒不平。

十三日丹陽道中

苗葉方乾水半枯。西村健婦餉耕夫。隔塍細響嬌歌發。便作新嘲和小姑。

十四日句容道中遇雨

正是煩熇道暍時。茅山北角雨絲絲。雲中仙侶應相念。特與清涼作好嬉。

七月十六日歸自句容道

來方盛夏忽秋初。日晷雖長繫得無。可喜一身

原是葉壓番驢背。兩肩書

何必。有他。長物。

十七日歸經丹陽

引動詩情偶一聯。驪夫信口亦天然。不知好句敲難就。橫插騾鞭索酒錢。

十八日歸舟自常州經無錫

瑟瑟秋風入水涯。鱸魚况味在蒹葭。短篷迭迭蕩頻搔首。向晚晴雲捲亂霞。

十九日自姑蘓泊舟吳江

姑蘓百里幾多灣。風送歸帆一餉間。水百數峯青似黛。舟人指是太湖山。

二十日自平望歸舟

七絕

三

倘湖小築

烟光一幅半模糊。小艇危橋共野鳧。兩岸垂楊得秋早。故園想已到庭梧。

三十一日自嘉興至崇德

四鼓舟人已弄篙。蕩開藻荇野風號。牕楞一片清涼月。緊送行舟肯憚勞。

二十二日自長安鎮經東關

客子從來善畏人。長年三老更逡巡。移篙急入深源去。應是漁舟也避秦。
又○眷○入○一○層○

又

村婦掀裙踏水車。欣乘槐樹晚陰遮。不同越女思傾國。只向溪頭坐浣紗。

五月初九舟次姑蘓。見大小龍舟競渡。往來時天雨如注。鼓聲不起。旌旆淋漓。而搖蕩不敢少緩。則文武多官聚而晏賞故也。

成一十五絕

正是端陽芒種過。肩犁驅犢插青禾。農家得雨甘如酒。飲酒筵邊却恨多。

沉沉畫鼓起潛龍。龍氣先通雲霧重。應是貴臣
德意密。旌旗所指雨師從。

張牙奮鬣巧裁排。十里河中掉尾回。莫道假龍
無實用。一天風雨却飛來。

又絕不作然容語此是學問

人心異樣不開天。共是垂楊細雨前。獨客閉篷
思晝寢。畫船捲幔看龍船。

又

紅樓無數捲簾看。也看龍船也看官。早有爪牙
班。仗列虎威龍勢把空瞞。

又

喧傳競渡鼓逢逢。伍子門前酒滿缸。嘗濕不乾
忠孝淚。一樽誰洒汨羅江。

又

奪得先標便是功。長風怒浪胆粗雄。侏儒腹飽
閒相笑。介士昂藏大雨中。

又

小立東風指綉旗。吳姬初試越羅時。樊川不作
三生夢。一任平橋張水嬉。

又

耀武洪波獍若爭。東南澤國試先聲。鼓音不震
旌麾捲。豈是天心漸厭兵。

又

古木千年老魅藏。裝成巨艦血踉蹌。豈知一日
生鱗甲。風雨中天幾怒張。
○作○木○居○七○

又

鬪帥臨戎肯致身。文臣只解誦錢神。世間萬事
皆見戲。莫向魚龍辨假真。

又

樂事從來最數吳。曾聞一舞破姑蘓。回舟息鼓
諸囂定。陰雨平林走鷓鴣。
○一○擊○手○萬○騎○比○日○飲○

又

剪碎西戎作地膚。饜飧酒肉飽群奴。畫船吸盡
天河水。肯借升餘問轍枯。

又

雪夜曾聞入蔡州。昆陽風雨戰蚩尤。將軍號令
嚴無比。欲試吳姬。且蕩舟。

又

公子魚腸發綺筵。黃池一飲猛爭先。專諸巷裡
人持楫。可肯回頭。讓後船。

髯觀音頌

鷲峯寺正殿後壁畫觀音大士相。赤脚而
脩髯。嵐鳳如也。蓋亦一名手所作。為作頌

六首

影響禪鋒隔冷炎。觀音大士美髯髯。女人男子
非非相。盡就青蛇把足添。

又

珠經玉軸唾之餘。丈六金身立太虛。銅佛畏爐
泥畏水。九年壁裡有真如。

又

蚊蟻齊州九點烟。大鵬飛出小如錢。一毫端現
一尊佛。不審鬚中幾大千。

又

莊端妙麗。頌觀音。瓔珞華鬘紫竹林。似此婆然。
一翁面鸚哥。不唱衆雲深。

又

爲白爲元。是浪猜。被中被外沒安排。不知誰不面目。
真何似。當面還疑。錯過來。

又

痾瘰民物。總堪悲。割斷塵緣不用慈。偏是至陰。
多赫赫。那教菩薩。盡低眉。

秦淮竹枝詞

桃花飛盡葉初肥。桃子盈筐葉又稀。同根同葉。
不相見。鏡裏紅鸞郎未歸。

又

抹煞秦淮遊賞之人

客路雲山半欲迷。山頭日出手重提。願郎只學。
秦淮艇。纔出使。回日未西。

又

金陵本是帝王州。最愛湖名古莫愁。鬱金少婦。
今誰是。艇子迎人小渡頭。

又

何用從軍遠渡遼。無須挾策獻皇朝。儂家正在秦淮上。文德橋連武定橋。

洪武年間宮詞

無鈎門內秀才頑。寶鈔成來樣屢刊。昨日坤寧親酌取。寒牕紙上認心肝。

南京國子監號房皆無門限。而集賢門二字無鈎。太祖謂秀才須出用。不宜限隔。

怒詹孟舉書門字有鈎。卽以粉塗鈎畫。至今粉蹟宛然。出鎖綴錄造成均時。命士人

肄業案座以獨木堅厚。曰秀才頑。毋敗吾

案。太祖造鈔不就。夢神告當用秀才心

肝爲之。高后曰士子苦心程業。其文課

卽心肝也。因取太學積課一簿。搗而爲之。

果成。俱出野記

又

雙龍扇影動紅花。受諫回輦日影斜。女侍劈開

龍鳳餅。建寧初進採春茶。○大○雅○遺○音○

鹵簿官儀殿內左右扇三重。內雙龍扇二

十、丹陛中道左右雙龍扇、內紅花繖二
天下茶貢歲額止四千二十二觔、而福建
二千三百五十觔、則福建為多、天下貢茶
以芽稱、而建寧有採春、先春、次春、紫笋、及
薦新等號、則建寧為上、國初建寧所進、必
碾而揉之、壓以銀板、為大小龍團、太祖
念勞民力、命罷龍團、止炤各處採茶芽以
進、出餘冬序錄
又

宮留隙地種瓜蔬、后練弓絃織綺、疏昨日郊天
崇儉德、淞江梭布襯護條。

太祖指宮中隙地、謂太子諸王曰、此非不
可起亭榭、為遊觀之所、今乃使內豎種蔬、
不忍傷民之財、勞民之力耳、孝慈馬后
服澣濯、故不忍易、因聞元世祖后、煮故弓
絃、馬亦命取練之織、為衾裯、俱出泳化篇
太祖郊天拜禱、所履足處、皆用淞江三梭
布、乃以儉示子孫之意。

建文年間宮詞

君王前殿講周官。女史宮中借史看。展到前書

七國事。不知劉氏仗誰安。

建文君喜讀書。時召方孝儒與討論周官

法度。居便殿。弄柔翰。更定官制。改謹身殿

為正心殿。承天門。成詔改為臯門。遂改午

門為端門。應門前門為路門。

出詠化篇

又

琪園果熟間青黃。摘自才人織手香。骨朶都知

分給與。樞衣拜賜袖中藏。

建文君既為僧而逃。宣德元年自江南來

歸。一老宦頗憶少帝舊容。遂訪問焉。建文

視之。涕泗流溢。乃云。吾于七夕之時。賜桃

實三枚。與爾。爾無匍階下。食一懷。二問爾

藏之之由。爾對曰。臣有老父。欲懷此以獻。

五。加爾孝。復賜五枚。爾頗記否。老宦不覺

失聲。

出謨烈輯遺

都知監手執骨朶。身穿

鸚哥綠補子。戴平巾。常傳駕前。警蹕清御。

又

金鷲高柳弄春柔。曲譜翻傳十六樓。宮水暗通
桃葉渡。莫將哀怨付清流。

按謨烈輯遺云。太祖封一櫃與王太孫。及靖難兵逼。啓視之。見一刀一度牒曰。汝欲生。可為僧他避。后宮某地有密地可通。及建文為僧而歸。上書云。吾當時避難。后宮密竇以出。人不知也。致身錄云。建文

君至鬼門。牛景先以鐵棒啓之。若不用力。而即瓦解者。出鬼門。而一舟艤岸。則神樂觀道士得。太祖夢而然也。又建文遺事云。削髮乘馬。自朝陽門出。又云其出由地道。有殷秀家居大明門左。地道處曾裂一縫。以線繫銅錢垂下探之。深三尺餘。諸書皆傳疑。未可信也。

永樂年間宮詞

景風入律動遐陬。氛外瓊枝入御樓。自品玉簫

吹○正○雅○不○同○唐○譜○按○梁○州○

永樂中、高麗賢妃權氏、順妃任氏、昭儀李氏、婕妤呂氏、美人崔氏、俱國王李方遠所進、而權妃穠粹、善吹玉簫、最爲寵倖、宣德中、女官王司綵詩云、瓊花移入大明宮、旖旎濃香韻晚風、贏得君王留步輦、玉簫嘹

曉月明中

又

御筵供奉教坊司、手弄銀箏淚暗垂、女史低聲

相○借○問○革○除○籍○裡○舊○臣○枝○

永樂二十二年十一月、御札付禮部尚書

呂震曰、建文中奸臣、其正犯已悉受顯戮、

家屬初發教坊司、錦衣衛浣花局、并習匠及功臣家爲奴、今有存者、旣經太赦、可宥爲民、給還田土、

又

綵○弓○的○的○射○柔○飴○又○是○端○陽○躡○柳○時○夾○輦○詞○臣○紅○襖○徹○昭○容○次○第○選○新○詩○

沙苑在詩端午年年射粉團憑誰中的得
先餐昨朝傳道邊情傲旋取柔糍製可汗
出藜牀瀋餘

永樂中禁中凡端午重九時

節遊賞如剪柳諸樂事翰林儒臣皆小帽

襪襖微侍從以觀觀畢各獻詩歌上親

第高下賞黃封寶楮有差至宣德時猶然

以後宰輔與卿亞與焉儒臣不復近而應

制之作無聞矣出項綴錄五日走馬謂之

躡柳天下營門材士五日籠鳥于旗竿走

馬用射亦曰札柳又謂之剪柳出文自錄

錄躡音札

正德年間宮詞

堪笑韓休語太狂未能將順媚君王泗州女伎

全無用欲進蠶娘唱採桑采桑水受於此

汪公應軫山陰人以庶常與舒芬等七人

疏諫南巡拜杖出知泗州武宗在留都

傳旨令泗州進美人善歌吹者數十人奏

言泗州婦人荒陋且多流亡無以應勅旨

臣訪民間桑婦倘蒙納之宮中使受蠶事

實于治化有裨事遂寤

又

馬○上○筮○篋○路○幾○千○拋○將○海○子○綵○龍○船○近○來○學○得○
真○正○出○水○芙蓉○藻

薛君采蕙詩云燕姬王袖抱筮篋馬上長

全無隨翠輦遊春來韶影秦淮水愛殺江南雲

母舟又云玄武湖中綠水多君王日日愛

經過官女能為蕩舟戲中官學唱采蓮歌

周憲王宮詞云春殿倚翠峰頭太液波

澄宿雨收兩岸垂楊千百尺荷花深處戲

龍舟張昱輦下曲云直教象子望蓬萊青

雀傳言日幾回為造龍舟載天姥院家催

造畫圖來

又

翠辮暫駐望江樓殿脚司花捧御舟天子未知

魚尾赤屢操星留截群流

彙記云正德庚辰年閏八月帝詣孝陵

受江西俘旋蹕發龍江次日如瓜洲避雨

民家夕宿望江樓。次日自洲清江登金山。遂如鎮江。幸致仕大學士楊一清第。後至寶應。復漁于范光湖。至淮安。帝戎服簪花。鼓吹入城。帝自從小舟。漁于積水池。舟覆溺焉。左右掖之而出。

弘光年間宮詞

臂香初試守宮朱。琥珀杯濃剪艾蒲。不畏羽書傳倣報重門。正貼辟兵符。

端午日廣陵破信確矣。官中晏樂未輟。且

張水嬉。大璫車公諫止之。上曰。此亦無

傷于軍士。

又

佳生絕代果傾城。禍水將流江已傾。天子偶然為四季。湖光空擁莫愁名。

甲申五月十五日正位。乙酉五月十一日

潰散。方及四季。偶合羅江東之詩。絕世獨立者。方一顧而已。傾國矣。

又

房星幾欲壓鉤陳。慚愧慈禧賜問頻。湖上平章
歌再造舉朝奔走太夫人。

甲申十一月西園舊宮落成賜名慈禧殿。

太后居之馬瑀草之太夫人為房氏。

夫兵日急太后屢遣中官問安蓋恐其先逃

也後遂與太后同至杭州宋賈似道之

母胡氏起于至賤榮貴莫比至太后與之

同寢處然胡幸死于兵未敗之先而房則

至今流落民間耳。



